

四庫全書

集部

欽定四庫全書

集部

文苑英華卷八百三十八

六至

詳校官監察御史_臣沈孫璉

助教_臣常循覆勘

總校官進士_臣朱鈺

校對官助教_臣羅萬選

謄錄監生_臣倪景寬

欽定四庫全書

文苑英華卷八百三十六

宋 李昉等 編

哀冊文下

中宗孝和皇帝哀冊文一首

睿宗大聖真皇帝哀冊文一首

玄宗大明皇帝哀冊文一首

肅宗大宣孝皇帝哀冊文一首

代宗睿文皇帝哀冊文一首

順宗至德大聖大安孝皇帝哀冊文一首

僖宗皇帝哀冊文一首

中宗孝和皇帝哀冊文

徐彥伯

維景龍四年歲次庚戌六月辛巳朔二日壬午大行應
天神龍皇帝崩于神龍殿殯于太極殿之西階粵景雲
元年十一月二日乙酉將遷座于定陵禮也畫攢殿帟

雕輻肅輟縞紼霜迴丹旂雪引御步

文粹
作窆

臺之妙

文粹
大詔

令作 默背天閣之崇峻皇帝瞻在原之隆響感聯萼之

凋陰禮奠收兮泣遺迹同氣訣兮悲聖心爰命下臣式
揚鴻懿咨睿烈於金牒刻明獻於玉宇其詞曰

少典之子重玄文粹作華之孫珠璣寶系海浸昌源鳳鳥鳴

國蛟龍文粹作龍蛇守門於鑠皇朕赫應成命青靄南浮彤

雲北映掃刷中寓光亨累聖欽若應天纘戎文粹作成非前

慶身佩星斗掌提曦鏡克明克睿文粹作類允武允文就之

如日望之如雲聲中律呂辭含文粹作合典墳道懋登庸榮

膺繼體位擁清闕業移朱邸春誦夏絃冬詩秋禮復子

明辟固天攸啓鵬舉提象鸞飛作乾蘿圖已御芝璽仍

傳拱默當宁賡歌撫絃堯親更睦媯德愈羶萬寶阜成

四門光闕宵衣若厲道風猶尺

文粹
作尺

野接翹車殿橫儒

席留連縞讌婉奕辭容潤洽泉草

文粹
作魚

恩周卉毳鞞譯

驚輪要荒走幣削觚反撲寬刑薄稅俗富京坻人忘疵

瀛帝圖廣運天意難誣荷色祥籙張皇瑞符仙芝抱砌

神蕙揺厨龜負綈檢麟御斗樞孝思罔極崇

文粹
作宗

庸克

賽親幸國揚式陳昭配翠輦容與蜺幃暉暖蒼壁森羅

明祗肅對玄精備典洪範盈疇將踈華蓋遥封岱丘獸

紫宙之阨僻追白雲之豫遊時若慕於喪妣道空在詔

存於委裘嗚呼哀哉惟幾在辰穆文粹卜違吉仍几虛

座綴衣玄文粹室景沴攝提悲纏昱詔日羣臣奉於

末命天下悲乎晏出嗚呼哀哉宗伯蒞典同軌赴辰龜

謀入文粹兆屨鞞移輜唱二本苦稅於香掖咽酸笳

於曙旻彤堦晶晶兮露鷲月玉座微微兮花掩塵嗚呼

哀哉列綺城之哀仗引滋橋之渡愜朔飈急兮御道寒

愁日晦兮雲郊晚駐石馬之新塗下金天之舊坂見踈
杏之源長覺深松之路遠嗚呼哀哉伊昔睿詰光謀壽
宮猗那我后復幸方中委冠劔於泉窆保明靈於昊穹
山有移兮海有變道無闕兮聲無窮嗚呼哀哉

睿宗大聖真

此墓時初謚文粹作玄真
大聖乃天寶十三載加謚

皇帝哀

冊文

蘇頌

維開元四年大歲

文粹作
歲次

丙辰六月乙巳朔二十日甲

子大行睿宗大聖真皇帝崩于百福殿旋殯于太極殿

之西階粵十月朔某日將遷座于橋陵禮也素帶褰周

青壺警節儼無聲以虛衛陳有象而成列哀子開元神

武皇帝諱追攀引繚

唐大詔
令作索

眇擗司常悽庶物其涕迸

感衆靈而影翔

文粹
作彰

潤

文粹
作騰

茲鴻業欽若要道爰制近

臣敢揚大寶其詞曰

高祖興唐垂其耿光睿宗誕慶紹我明命明命伊何重

熙累盛耿光伊何翊善傳聖在昔分瑞爰初割

二本
作割符

宅殷令典居相宏圖宣哲觀藝祇庸服儒踐其成式納

以嘉謨否歷終泰傾維更紐予從代王子事周毋退象
藏密冲襟釋奠不為震驚自得謙受擁乃政復亨而運

開

文粹作權乃復亨塞而自開

固推皇帝仍陟元后鳴牝搆孽紛虹

肆災颺馳神武電掃姦回三讓天下再登神極順夫吐

心忘我帝力鞮譯脩貢親賢任職樂英已敷禮緯重飾

文粹作釋

宗廟率祀郊丘肇禋養而迎夏芟以祈春靜默沿

道和平返淳智周翔泳功濟陶鈞知子惟明從吾所尚

陋伊初之奠

詔令作翼

緒追齧缺而將喪帝允執乎厥中皇

可二本崇於太上始受圖而觀察終脫屣以清曠齋必

作遂

閑館朝而別宮問安順色資孝弘風理極兼愛

二本
作受言

承至公豈綴衣而憑几忽成鼎而號弓嗚呼哀哉萬年
罕驗顧命是屬付神器其得所安靈心其何欲增摧絕
以孺慕竟厭時以去俗萬邦赴而同軌六遂陳而帥屬
外羣悲於縞素中不瘞於珠玉屈輅迎轉龍幘戒徂寒
生紫殿曉發清都笳挽遲遲而徒靡旆旌戀戀以威紆
除櫟陽之御路拍橋岳之幽途禮既獻而三徹神方寧

而九虞遠奉遊冠

文粹作遠遊道冠

近嚴歸蹕因高而渭川盡

見憑下而秦京稍出積耘草以橫霜攢悲松以翳日嗚呼哀哉粵羲軒之建子姒兮今令問傳其不已猗簡冊之尊聖真兮鴻名冠而方始然後景雲靄華露滋楊至德殷永思此天子之孝也臣何足以知之嗚呼哀哉

玄宗大明皇帝哀冊文

王縉

維寶應元年歲次壬寅建巳月五日玄宗至道大聖大明孝皇帝崩于神龍殿旋殯于太極殿之西階粵以寶

應二年三月甲辰朔十一日將遷座于泰陵禮也象物
已設仙馭將飛空聞脫屣無復求衣孝孫皇帝親臨遣
奠意延晷刻向池綉而涕流想山園而心惻九天兮無
所一往兮何極感貽美於孫謀俾述事於祖德其詞曰
天馱隋亂中原無主人歸唐德上帝是輔以聖易暴興
文繼武義冠殷湯威包漢祖仰膺歷數光宅區寓文粹
作宇
用惟皇得一承帝文粹
作乾嗣五赫哉厥初萬物斯覩景龍
之際乾儀反坤不利王室將開禍門呂危劉氏趙啄皇

孫我獨杖劔神斯

文粹詔
今作期

武賁上排闥闔俯掃軒轅不

驚宗廟大造黎元為而不有禮備尊尊乃奉睿宗爰受

寶命問安視

文粹
作侍

膳純孝至敬維城之年佐潞之政一

著獻兆百靈翼聖躍馬絕

二本
作截

流水不敢競潛龍變海

池亦告

二本
作呈

慶有開必先興王之盛誥曰皇帝余倦于

勤往績丕績

二本
作業

以順兆人辭之不可其命維新體乾

之大法土之均臨之以日生之以春寒暑彰信動植知

仁九族既睦四門既賓天通之聖電

一作
雷

斷之神求賢

箕箒就列縉紳讜言是聽庶政必親刑措兵弭

二本
作戢

威

加德馴戎狄讐竄塞不驚塵琛賫爭入來自無垠駕鼓

斥駿焚表棄珍風雨時若京坻相因師於上古思與還

淳然後制禮節焉作樂和焉東

二本
作北

祠后土南郊上玄

齋祭陵廟位號山川教戰講武祈農籍田冕旒問俗旌

旗幸邊文物蔽地英聲動天鳳巢麟擾甘露醴泉九尾

三脊朱草飛煙繽紛効祉每歲且千道德洋溢乾坤交

泰成功如何登封於岱太平如何是時無外才藝餘美

帝王之最樂究天人乙夜慙對文齊日月秋風靡運推

歷正元調律平害札動雲落弦開葉碎揮琴弄

二本
作陋虞

教詞輕沛良辰可賞聽政方退鍾鼓屢陳君臣高會魏

魏蕩蕩四十餘載巡省順動西南奧區命子出震繼明

握圖長驅猛士累剪封狐不失舊物言旋上都離宮就

養壽酒多娛習道久矣神仙遠乎嗚呼哀哉湖上鑄鼎

海中祈藥忽乘紫氣長遊碧落千門萬戶告

二本
作若

無天

兮寥廓八達九衢雖有人兮寂寞淚為雨於宸扆

文粹
作極

哭成雷於郊郭遺轍迹而徒攀葬衣冠而何託同軌畢

至初陵已開震鳳螯於仙仗降龍輜於帝臺儼二本將

行兮肅穆似有顧文粹兮徘徊過春城兮如送望暮山

兮謂來嗚呼哀哉壽元肇吉先天不違接橋山之往二本

大作隧營金阜之玄扉擁馳道兮皆往獨宮車兮不歸原

夜文粹有藏晝終天文粹有戢輝文始建文粹極武餘

英威二本德不朽至道惟微雖陰陽之與變化侔神

聖二本兮安可希超前古以作則遺後代以垂衣鳴

呼哀哉

肅宗大宣孝皇帝哀冊文

裴士淹

維寶應元年歲次壬寅四月庚戌朔十八日丁卯大行
文明武德大聖大宣孝皇帝崩于長生殿旋殯于兩儀
殿之西階粵二年三月二十七日庚午將遷座于建陵
禮也燭列瑤宮一作燭河低象闕簷擁霄霧庭微曙月
森鷺翺以成行儼輶輶一作龍輶而將發哀子嗣皇帝諱克
窮感慕擗標傷摧奠玄辰而增肅瞻白雲而不迴雨泗

噓兮千官泣天仗搖兮萬國陪懿業方永神暉潛翳迺
詔有司騰芳後裔其詞曰

高丘演慶玄牝開祥寶歷一作攸重靈源自長文昭武

穆累聖重光七葉增睿一作時惟我皇天帝寒裳全真

養正窅然姑射欽哉有命謂禹知子踵堯傳聖伊昔休

應虹流電驚猗蘭養德叢桂疏榮徇齊純孝弘裕欽明

光含玉理秀發珠衡辨一作日多悟朝雲更輕尊師樂

業問寢揚名三善克舉萬邦以貞叶契斷金觀書群玉

性與兼愛道存濡足詢事考言登庸

一作應圖

受錄運符提

象輝同倡燭景星耀芒大風成曲戎羯緣間書稱猾夏
轉旆秦川連兵朔野水靈潛衛山祗驥馭順時徙邑聿
來岐下用剪修虵匪勤戎馬輯寧黎庶保乂宗社赫矣
天府於皇樂都瑤壇饗帝璧沼崇儒進善求瘼明刑恤
辜丹巖藏銑綠浦捐珠容成啓路王母獻圖功宣祀夏
道洽歌虞物莫疵癘人用昭蘇櫟陽先惠棣華增睦冠
帶麟洲賓延鳥服招諫懸鼓誓師推轂禮備樂和遠安

邇蕭恩猶覆燾義涵亭毒露臺愛費茅宇蠲奢北薦春

寶南牧

一作收

若華卿雲聳蓋滴露垂葩秀同穎階榮

指邪滌慮高居凝神下濟遠探仙訣深入真諦穆穆頌
聲温温愷悌榮鍾三古牢籠八裔才生之疊爰集良已
之文莫繼佇襄野而來巡怨初宮而興沴嗚呼哀哉序
分弘壁庭臨綴衣如天落構象日徂輝棄璇寓而奚速
啓金滕而遂違鳥冊龍圖之瑞青邱丹浦之威瞻脫屣
兮如在痛攀髯兮不歸巖岫晦兮愁雲積郊原空兮落

景微嗚呼哀哉環瀛縞素鞮譯凝慕龜謀協吉象耕遐

赴珠玉重而不藏襲稱

一作衣

廉而有數靜鈎陳于瑩所

閉閭闔于應

一作象

路靡營南紀之塵空望西陵之樹嗚

呼哀哉蒼旻浩然緹律亟遷既深悲於寒霰俄隕涕於

韶煙背鳳城而紆鬱援

一作振

蜃紉而聯翩息輿駕于懸

圃聞鍾磬於廣川神理冥其造物皇情邈以終天嗚呼

哀哉三光猶變九丹非術蛩隧蒼茫射隅蕭瑟度清渭

而徐轉指甘泉而半出薤曲嘶管以臨風松門倚巖而

蔽日嗚呼哀哉式敷永命戒茲羣后至德神功天長地
久邁千祀之騰茂居百王之冠首俾下武而欽承彰典
謨而不朽嗚呼哀哉

一作皆唐大詔令

代宗睿文皇帝哀冊文

崔祐甫

維大歷十四年歲次己未夏五月二十二日寶應元聖
文武皇帝崩于大明宮蓬萊殿遷座于大內二十六日
丙寅殯于太極殿之西階有司即南郊定儀上尊諡曰

睿文孝武皇帝其年十月丁酉朔四日庚子將遷幸於

一作于 元陵禮也東方啓明繁霜猶落風物淒於宮樹號

啼隘於殷幕哀子嗣皇帝諱襲練感若泣血漣如感備
物之如在索明靈於太虛聆哀挽之急節懼靈駕之將

引捧玉笋之歔歔望龍輜而不忍恭惟大孝終揚盛一作

於揚名爰命司籍光昭德聲其詞曰

於休我皇長發其祥咎繇翊舜德種四方玄元去周闡
流道光土實受命其牙則黃炎漢之後南北披壤天厭

衆閔掃隋興唐有唐不暋帝命不叶豐融歲旻盛于八
葉其盛伊何聰明徇齊誕實匍匐聖敬日躋無幽不洞
無遠不稽孝友濬哲聲達羣黎天寶季歲竟天長彗蛇
騰犬瘞以螫以噬皇輿南巡帝出朔裔君父命我爰抱
六師驅駕熊羆左右蠻夷逆徒蟻聚言割其旗一鼓冰
碎日未改時席卷鄴邑風清洛師天開地廓萬物斯覩
安輿自蜀復于中土龍躍岐山正于九五帝子之孝軼
邁千古子則戴親孫能敬祖乃登儲位問安三至一有

元良儀形克類繼文纂緒道格玄穹大明方中萬寓發
蒙豈無桀驁化而為忠豈無羿浞如燎遇蓬刑清政脩
遐邇懷柔王度如玉德音海流四靈皆擾三春滄羞方
輯羣瑞登于介邱華封祝堯使聖人壽猷代何速奄捐
九有天裂其高地傾其厚嗷嗷萬姓泣慕元首創鉅痛
深寧丁我后嗚呼哀哉肅肅正殿自炎徂涼漏滴盡兮
夏日永燭華凝兮秋夜長階有苔兮委積庭有草兮芸
黃嗚呼哀哉七月之期同軌畢至市疑野筮壞疑因山

開隧捨清禁而不留拍平原而出次嘉德兮啓闈承天
兮敞扉抵廟門兮駐嚴蹕順孝心兮傷永違嗚呼哀哉
出朱雀兮度青門恨六龍之若奔傾萬邦而會九族送
吾皇兮歸壽原風颺颺而簫鼓慘日暄昧兮郊野昏植
栢兮青青彌岡兮亘崕俯杳杳兮重壤想森森之萬靈
偶嬪嫁兮像閭寺捧厥衣兮拱下庭嗟備物之皆列奉
玄堂兮永寧嗚呼哀哉仙馭兮何之九虞兮有期揔千
官兮萬騎返城闕兮如矧功高舜典美冠周詩於萬億

載昭昭有詞嗚呼哀哉

順宗至德大聖大安孝皇帝哀冊文

趙宗儒

維元和元年歲次丙戌正月一日丙寅朔十九日甲申
大行太上皇崩于興慶宮之咸寧殿旋殯于大內太極
殿之西階粵以其年七月壬申朔十一日壬午將遷座
于豐陵禮也龍輜將進魚帷已拂庭引廡儀衢陳備物
哀子嗣皇帝諱孝思罔極昭感人神痛天儀之永闕攀

德音而靡聞，盡哀誠於祖奠，徹永慕於顛旻。欽惟宸範，
宜光典冊。乃詔魯臣，纘揚聖績。其詞曰：

太陽麗天，朗曜清懸。元后統位，至化光被。洪惟我唐，紹
興哲王。德宣風土，法化乾綱。為政本仁，寶系攸長。積習
和氣，變為禎祥。矩範相纘，巍巍煌煌。十葉丕慶，膺茲駿
命。稟乎聰明，生知孝敬。秉文成訓，惟睿作聖。祚歷攸歸，
天保斯定。厥初錫壤，啓彼維城。及升上嗣，萬邦以貞。道
邁儲訓，業茂繼明。揆于至妙，御乎至精。天休廣運，播茲

清問緯武經文金鏗玉振不絕馳道有過茲慎莫見於
微曷窺其朕六律諧度四時齊信庠筵齒胃望苑招賢
學閭奧海詞峯峻天深工八體尤洞三玄秉志樂善銳
思討研敬老尊道優游文囿至蹟必精微言咸究不習
而知莫非天授建中季祀邦都盜起皇輿出狩幸於郊
壘逆稜晝霾衝發如燬扈蹕之辰從曰撫軍每躬誓衆
能感師人竟掃克孽於昭大勲惟謀靜難惟孝安親出
震一作御鎮非圖如運璿樞慮弘拯物情窮一作泣辜深仁

降感至澤旁敷洋溢汪濊格于天區寬刑恤隱省賦蠲

逋斥絕竒貢歸還戎

一作戎

俘出中宮之音妓愍戎塞之

勤夫有命焚鳩永光典謨玄風大扇庶類闕愉疾瘵皆

愈莫蕤發枯理臻至道我得玄珠垂裳負宸懷茲寅畏

美利天下雲行雨施人自遷善時稱不諱覆育之恩無

不茂遂含靈逢幸澡濯聖政泰元降祉媪神薦慶猛戲

一作獸

皆仁翺昆遂性憬夷慕化向風翹聽八表無闕一

時之盛方播金石流于舞詠爰降冲志稱乎倦勤寒裳

釋位思保怡神惟聖禪聖光于君臨傳萬葉之丕籍決
四海之歡心付託之際人祇感深棄代昌期興運本枝
遇乾坤之交泰見堯舜之同時尊名崇於聖壽至道體
於希夷嗣皇帝闕 德永喬垂則資敬問安乾乾翼

翼一人事親化行邦國冲舉何早栖靈物表聖慕極於
充窮人悲集於荼蓼嗚呼哀哉葆翽儼陳招搖初轉背
紫禁而歸壽陵出青門而臨下一作上 苑金鼓聲兮二儀
震煙雲慘而百里遠寶馬局一作踞 步於逶遲縞士揚

音於楚挽嗚呼哀哉瞻彼重峯中起靈宮衆山朝衛鬱
鬱崇崇積凝巖之崇靄聚浩野之悲風睇長天而怨不
極指流水而恨無窮嗚呼哀哉萬方臣子心崩以摧會

七月之畢至望九疑而增哀攀龍髯而何及泣鸞輅之

空迴嗚呼哀哉崇茲嚴寢邈矣終天獸方護闕鳥亦耘

田閑虛

一作靈

儀於宸宇響夜漏於青川嗚呼哀哉五雲

之上六龍以

一作已

飛難攀真駕空覩游衣寥廓一生曷

其一

一作期

有歸惟英謨與睿範傳萬代之洪徽嗚呼哀哉

一作皆唐大詔令

僖宗皇帝哀冊文

樂朋龜

唐會要
作孔緯

維文德元年歲次戊申十月乙丑朔二十七日辛卯僖

宗皇帝將遷于靖陵禮也羽衛既整笳簫畢陳感切羣

品哀慟八神孝弟嗣皇帝臣國體情重天倫痛深範規

唐大詔令
作規範鴻烈想像徽音舉觴奠以頓首援哀冊以寫

心詞曰

天寶生聖聖必為君銀河色變玉清氣分祥圖煥炳瑞

景網緼重瞳舜目八彩堯雲克明克類乃武乃文是超
東戶宜繼南薰乃平萬方乃登四海隆典必舉舊章無
改威儀穆穆多士藹藹聲冠令王化冥真宰東漸漲溟
西被流沙徒施尉候匪間幽遐書文車軌範為一家貫
胷雕髻慕我諸華既浴無為益彰在宥踈網雖設吞舟
是漏微火不防燎原孰救四極鰲傾兩曜麟鬪熾熾湯
旱湯湯堯水火鑠金流陵移山徙洛嗟所疑作祝隘溢
苗史莫咎人謀難窮天理漢后三七冥運則然秦都百

二巨防虛傳風排月陣彗掩星躔亶去岐山蒲遊崑嶽
于索于囊為猿為鶴書藏稽穴琴捐洞壑沉吟往事追
想前作爰乘天駟爰幸井絡澄澈錦江崢嶸劔閣皇天
震怒列藩會盟妖氣一蕩駭浪徐清遂徃中夏言歸上
京兒童躍舞父老懼迎寢殿未安僞

詔令作爲孽爲害糾率

姦人隱藏無賴洋洋漢源耀耀芝蓋爰警爰蹕乃朝乃
會僭逆既顛鑿輅言旋魯戈迴日媧石補天方覩萬物
方永億年遽云厭代俄乃上僂嗚呼哀哉帝鄉兮莫追

天路兮何之龍馭飄兮弓劍在雀臺暮兮歌管悲嗚呼
哀哉顧惟幼冲祇紹明聖捧秦民之誓詞度霸陵之遺
令載深號咽敢云稱詠望松闕兮香冥撫棣萼兮精誠
念烏兔之奔邁仰牛斗之縱橫播芳塵於簡冊託淒恨
於銘

詔令
作旒

旌嗚呼哀哉

文苑英華卷八百三十六

欽定四庫全書

文苑英華卷八百三十七 宋 李昉等 編

后妃哀冊文上

此下二卷英華所編不
依年代先後今正之

太穆皇后哀冊文一首

文德皇后哀冊文一首

則天皇后哀冊文一首

和恩皇后哀冊文一首

昭成皇太后哀冊文一首

哀皇后哀冊文一首

貞順皇后哀冊文一首

太穆皇后哀冊文

李百藥

維貞觀九年歲次癸未冬十月辛丑朔二日庚寅太穆
皇后梓宮啓自壽安陵將祔于獻陵其日至尊親奉奠
于太安宮乃使兼太尉某設祖于行宮禮也龍攢夙啓
翟輅朝陳方祗靖德圓魄虛神哀子嗣皇帝諱攀弓劍
而長號想禕褕之弗御痛異宮之隔禮切分心於窮慮

二南風化萬古徽音式昭史冊如玉如金其詞曰

玄功盼響景福氤氳將開樞電且應黃雲曰惟基命于
昭德性配天不失復夏無競門德丕承華宗述興皇家
漢氏祥發慶膺冥符世胄並會休徵帝妃北渚聖母東
陵祕景陰陵含章嬪則柔順弘範幽閑毓德率禮無違
尊師罔忒言昭圖史聲芳邦國帝錄將啓天妹言歸塗
山表貺涓汭增暉外求方淑內鑒幾微蘋蘩夕牖絲枲
中闡琴瑟匪諧冰霜慙潔道叶離明貞符允悅潛德勿

用內教爰

詔令作奚

設世罕交泰時虧地節膺期集祉舍和

履正華渚降祥高襟誕聖潛著軒象朱彰靈命奄御雲
衣俄飛天鏡嗚呼哀哉受終撫運馭極乘乾物思厚德
政闕承天瑤樽委奠金屋虛筵嗟故劍之無託歎房樂
之徒懸嗚呼哀哉宸駕上僊玉几垂裕率土遏密同軌
畢赴背櫟陽之神宇拍原陵之封樹悼虞妃之不從遵
周典而遷祔嗚呼哀哉蒼茫昭世冥漠神心松庭幽寂
隧路凝深儼龍輜而未進切鳳吹之哀吟水滔滔而不

息日黯黯而將沉百神驚而玄兆

詔令
作宮

邃萬國動而寒

山陰晦重雲於畢陌結微霜於穀林嗚呼哀哉極寰宇
之儀訓播英聲於先後惟皇運之天長配靈焜而地久
流凱風於椒掖散白露於陵阜軼任姒之高縱疑作
躡邁
嵩華而不朽嗚呼哀哉

文德皇后哀冊文

虞世南

維貞觀十年歲次甲申六月己未朔二十一日乙卯大
行皇后崩于立政殿粵九月十一日丁酉將遷座於

文粹

詔令昭陵禮也殯宮夕啓靈輻曉前儼帷帶於空殿肅
作于陞衛於靈筵皇帝親臨霄載義深追遠瞻青蒲而永絕
悼玉階之莫反屈輅將引鳳罇已徹爰詔記言式揚徽
烈其詞曰

二儀合德兩曜齊光列聖觀象邦家克昌猗歟華族英
靈降祉比齊越姜疋宋踰子育德高門騰芬素里體仁
將聖披圖閱史造舟為梁嗣徽前德履和思順自家刑
國淑問不已柔風允塞紉組執勤璵珩垂則時逢昌聖

運屬休徵代邸膺歷唐侯嗣興紫宮並曜黃道階昇化

宣風始業贊丕承比德無競凝神不測應物達

二本
作通

撫機先識體備簡

文粹
作賢

能暉無眇側績苞九亂恩加八

極性道希夷言容莊敬戒奢處約懷冲履正景暖風暄

霜嚴冰淨領畧三古箴規六行源濬流遠時昌祚延國

貞誕獻皇支挺賢談高辯日學冠通玄慈訓所及懿德

光前五福云備千齡方永地紀絕維月輪韜景晨興弗

豫德音彌整馬鬣無封鶴珠斯屏嗚呼哀哉異人神於

倏忽變容服於平生改清蹕以哀挽易朱旗以素旌昔
照朝景響環珮於增城今冥永夜吟松栢於山楹嗚呼
哀哉氣變灰飛暑退寒襲煙觸樹而靄慘露分枝而泣

文粹
作垂

泣聞哀鴈之夕飛聽悲風之曉急仰雲霄而永慕

慟陵寢其何及嗚呼哀哉悲玄武而北轅絕牽牛而橫
度途去去而逾遠馬駸駸而不駐想渭水之貫都歎黃
山而隱霧嗚呼哀哉嗟人生之浮促若飄風之過牖牖
何風而暫停人何生而能久惟承天與載物邈慈深而

德厚邁任似之高蹤播英聲而無朽嗚呼哀哉

則天大聖皇后哀冊文

崔融

維神龍元年歲次乙巳十二月己巳朔二十六日甲午

文粹作十一月二十日唐會要作十二月二十六日大詔令作十一月己巳朔二十六日甲午新舊唐書并通鑑並十一月壬寅按通鑑目錄十一月丁丑朔壬寅即二十六日 大行則天大聖皇后

崩于洛陽宮之觀象

文粹作仙居

殿旋殯于集仙殿之西階

粵二年歲次丙午

闕

月朔日將遷祔于乾陵禮也祖庭

火燼攢宮月曉雲戴黼翬風牽絳旒儼天衛之蒼蒼邈

神遊

詔令作宸儀
文粹作神義

之宵宵哀子嗣皇帝諱慕切克窮誠

殷遣奠瞻象服其如在攀龍車而不見閱慈範於長陵

戢神暉於前殿示人軌訓先

詔令
作前

王典則爰命史臣颺

言聖德其詞曰

天生后稷飛鳥覆翼天護武王躍魚隕航施于成康武

子有光豐沛之疆河汾之陽異氣發祥聖后其昌穆穆

皇皇作合于唐至哉坤德沉潜剛克竒相月媪惠心淵

唐諱二
本作泉

塞蘋藻必恭

二本
惟勤

紘紘是則訓自閨闈風行

邦國九

二本
作七

廟肅祗六宮允釐中和外睦遐邇清夷家

道以正王化之基皇曰內

文粹
作納

輔后其謀咨謀咨伊始

文粹作
攸俟

皇用嘉止亦既顧命聿懷代已聖后謙冲辭不

獲已從宜稱制於斯為美仗義當責忘軀濟厄神器權

臨大運匪革宗祧永固寰區奄宅負辰肅

詔令
作淑

清垂旒

光赫泱泱

文粹作
洗洗非

我君四海無氛英才遠畧鴻業大勳

雷霆其武日月其文灑以甘露覆之慶雲制禮作樂還

淳返樸宗祀明堂崇儒太學四海

文粹
作夷

慕化九夷

文粹
作戎

稟朔沉璧大河泥金中岳巍乎成功靡文粹作翁然向風乃

復明辟深惟至公歸閑於太庭之館受養於長樂之宮

品彙胥悅謳歌載隆鼎祚既穆璇文粹作珽非樞已肅庶保

太和長介景福如何靡怙而降斯酷后弄孫其未淹文粹

作掩人喪妣其馬速嗣皇擗標文粹作踊列辟扶服九族文粹作親

號咷萬姓荼毒嗚呼哀哉積憂勞而弗愈文粹作不豫兮構

氛沴而成災逢水霜詔令作霰之慘烈兮見草木之凋摧感

大漸之將逝文粹作至兮遺惠言而不迴付聖子其得所兮

顧黎元曰念哉頌寵錫以留訣兮節禮數以文粹送哀作而

邈終天而一往文粹兮復何時而下來嗚呼哀哉光陰作去

荏苒兮氣序迴互泣盡冬霜兮悲生春露攢塗云啓兮

同軌畢赴湘川未文粹從兮漢瑩蓋祔古則禮文粹作祀非

闕今也儀具嗚呼哀哉夜漏盡兮晨輓發轉湘風兮搖

畫月厭河洛兮不臨去嵩邱兮飄忽指咸陽之陵二本作園

寢歷長安之宮闕旋六馬兮須斯考三龜兮中歇嗚呼

哀哉出國門兮林邱文粹覽舊迹兮新憂具文粹作備物夷曲

森兮如在

詔令作無改

良辰闕兮莫留當赫曦之盛夏宛蕭

瑟之窮秋山隱隱兮崩裂水迴迴兮逆流嗚呼哀哉掛

旌旒於松煙即宮闈於夜泉下幽翳兮無日上穹隆兮

蓋天隧路巖兮百靈拱殿垣虛兮萬國旋如有望而不

至怨西陵之茫然嗚呼哀哉軼二本作攝帝皇之高風兮稽

母后

文粹作欽文母

之餘懿時來存乎

文粹作兮

立極

詔令有兮字

數往

歸乎

二本作兮

配地何通變之有恒兮而始終之無愧惟正

辭

文粹作聖慈

之可法

詔令有兮字

播徽音

詔令作休聲

於後嗣嗚呼

哀哉

和恩皇后哀冊文

蘇頌

維景雲元年歲次庚戌十月戊寅朔二十日丁酉和恩
皇后寃歸于仙靈宮之寢殿粵十一月戊申朔二日巳
酉招祔于定陵禮也皇帝翼翼而承洪緒親親而居寶
位痛終鮮於棣華哀不從於行淚祔自姬冊招因漢圖
神既來兮雲之際神將往兮山之隅象物中嚴容車外
設間一作竒香兮藹如在委微燼兮空若滅當四海之

遏音延六宮而告訣有司忝直清之寄奉旨宜方大之
烈其詞曰

乾道元亨川維永貞德由覆合功佇載成帝典攸正人
倫則厚以光虞嬪思媚京婦貴胄昌演華宗慶膺書藏
乃命符得而興展我之媛惟皇之出主家選容師氏練
吉觴賀紫掖輯歸朱邸儉而中規榮必循禮闕 覲止

婉兮嬋兮陳詩佩玉執事裁桂姜后通言衛臣知行是
脩容靜能服莊敬芬若蘭吐華若李穠光搖采翟歛同

飛龍房樂懸而莫御國風詠而猶廣豈娥靈之有憑而
羽化之無像嗚呼哀哉至業隆於祀夏尊名冠於升唐
披麗人之金屋見仙鳥之瑤筐才窈窕兮時已逝事蹉
跎兮夜不暘潛太虛以滅景長自依乎清光萬邦攀於
晏駕七月會於同軌往寓集青之臺今招洒丹之水上
僊厭俗以求故內則在陰而追美無不之兮有來長作
合於神理對橋山之墜鳥垂涓溪之造舟群動觀而雨
洒親作柔明進而燭幽嗚呼哀哉聽鳴鷄以徒奏悲服

馬以空發簫鼓還兮遺朔風松楸翳兮吐微月歸杏陵
其永閔絕柩館而靡尋資謂德之良史苗配和之徽音
嗚呼哀哉

昭成皇太后哀冊文

劉子玄

維開元四年歲次景辰秋八月

詔令作
七非

甲辰朔十七日

庚申昭成皇太后梓宮啓自靖陵將遷祔于橋陵皇帝
乃使其官姓名設祖于行宮禮也丹旒既舒玄宮載闕
俶龍輜而命駕指射隅而卜宅哀子嗣皇帝諱瞻蓼莪

而罔極感茅菅而增傷嗟鏡奩之不御痛珠匣之無光

緬考前烈

關

稽舊史顧西

唐詔令
作南

陵以永懷託東觀而

書美其詞曰

觀津鍾祉平陵誕靈作嬪西漢為母東京地專戚里門

承后族重覩玉衣再開金屋爰初笄總寔負

詔令
作表

才賢

學彈詩禮工極紘緹方松等勁比菊齊妍慶膺懷月祥

兆捫天膠東胙土濟南開國邦媛思才河魴竹德柔閒

植性婉順成則六行畢彰四訓無惑粵自朱邱來昇紫

徽政成閭闔化穆閨闈孕毓三母牢籠二妃桃天闡譽
葛藟增徽五福多爽百齡過隙地裂方祗天傾圓魄歸
神蒿里滅彩椒掖德音若存儀形遽隔嗚呼哀哉痛鍾
宸扆禮極哀榮謚踰光烈儀比功成尋周闕之先夢奉
堯門之舊名撫遺鏡而增咽攬賜衣而疚情嗚呼哀哉
龜兆協謀龍輜戒轍指黃山以徐轉背青門而永訣挽
鐸鏘其競喧旒旒儼其齊列萬國慘而潛怛

詔令作
潛泣

六

宮悲而慟絕嗚呼哀哉遂入松徑園歸穀林見寒山之

月苦聞拱樹之風吟玉座空兮壽宮寂金缸閉兮泉戶
深想清徽之不昧寄彤管以流音嗚呼哀哉

哀皇后哀冊文

高宗太子弘追封
孝敬皇帝之妃

宋溫璩

維開元六年歲次戊午夏五月甲午朔三日景申哀皇
后裴氏梓宮啓自先殯將還祔于恭陵之山塋禮也皇
上御寰區而翼翼纂洪緒而親親感上仙於周嗣一作副
痛未從於虞嬪攀鶴駕於終古贈鷺輅而增新時無遠

而惟吉物有容而必陳纂芳佇思徵幽寄神載揚清懿
之烈爰屬有司之臣其詞曰

月麗雲昇靈叶爽馮邕鄉茂族晉邑丕承土厚河廣祥
發慶膺公侯必復紱冕攸興良精允象室疑作宜家化國

昌胄延和榮門誕德淑問不已柔風允塞素里揚英清
閨仰則一人元良萬邦大本天作之合興能烈壺家本

楸於漢封地先歸於一作于晉衮主饋旌善駕酒騰歡承

暉養德奉景訪安搖金羽之頻頻結環珮之珊珊賁日

月之光色妙靈象而無端含章握文敬微慎獨崇法服

於暈組接懿筐於蠶簇覲皇英而上親祗宵燭而下睦

庶無違於信順期有憑於福靈忽虧光於輪月奄落彩

於前星爽仁壽於偕老邁天禍而斯丁瞻神宇之惟漠

感靈衣之靡形驚迴風於靈一作虛殿宿衆鳥於空庭顧

長御以揮一作擊涕甘自殉於山扃制歷時而遽終情徇

節一作循而恒苦草驕春而繞砌蟲吟秋而入戶限百刻

之不延調周一作六脉其誰顧一作補嗚呼哀哉俎謝緬其

永久氣節漫

一作浸

以流換感寔窅之冥漠

一作幽偏

軫皇情

以淒歎稽舊章之典禮崇新命之綸渙濟天地而德合

綜神靈而道貫嗚呼哀哉日吉兮晨良玉佩兮金章命

駢校以進駕翊龍輶而上驥代靈靴於河鼓建參旗於

太常號宮女之嗷嗷

一作嗷嗷

遣使臣之皇皇騰魚軒兮背

北渚亂鳳管兮越南岡當赫曦之畏日如徙靡之秋光

望層城而不返遵厚夜而何長嗚呼哀哉

一疊此四字

神理

惟昧萬物同宅人生有終駟馬過隙訊虞妃於千

一作前

古聞賓帝於在昔感伊洛於一作山川懷靈仙之顯一作

影迹彼宵形兮天壤云誰固兮金石惟彤管之芳輝與

青史而無斃嗚呼哀哉

真順皇后哀冊文

徐安貞

維開元二十五年歲次丁丑十二月庚子朔七日丙午
惠妃武氏薨于興慶宮之前院移殯春宮麗正殿之西
階粵翌日乃命有司持節冊謚曰真順皇后以旌德飾
終也洎明年春二月己亥朔二十二日庚申將遷座于

敬陵禮也啓攢塗於春禁候重門於初旭轉靈衛於金
根緬哀懷於上國亦既有命銘于貞玉其詞曰

風之始者

闕

備內職選才淑政兼翊戴化錫丕祉繁

華鍾美我天后之從孫周桓王之季子于渭之涘重開

戚里鸞飛翔珮玉鏘鏘自莘野

一作
捷好

而三命乃率先

於鴈行出言有章彤管有光孝慈之心諒自天啓鞠育
孫幼恩流愷悌七子既均六宮有禮貴主三分於外館
賢王兩闕於朱邸彼陰教惟微承日月之光輝輔聖人

之至德故動用而無違驪谷湯泉天行慕律屬車之汭

陪遊之日孰謂蕩邪茲焉遇疾闕焚香山以邀元吉却

屈重城彌晉永畢思勿藥之有喜痛還年之無術嗚呼

哀哉覽舊館兮洞開踐芳塵兮徘徊指甘泉之畫像謂

德音之在哉自昔層唐詔令城之宮椒風之殿獲遇明

詔令主是矜邦媛有平生之渥恩無淪沒之餘眷况真

順之寵錫伊徃古之莫見卜兆詔令考常三龜既良園

陵蒼蒼在國之陽傍芙蓉而左轉怨桃李之春芳風卷

旌旆繁笳委咽中使護道懿見辭訣山藏玉衣地留金
穴惟清灞之永矣流國風而不竭嗚呼哀哉

文苑英華卷八百三十七

欽定四庫全書

文苑英華卷八百三十八 宋 李昉等 編

后妃哀冊文下

恭皇后哀冊文一首

承天皇后哀冊文一首

貞懿皇后哀冊文一首

元獻皇太后哀冊文一首

章敬皇后哀冊文一首

昭德皇后哀冊文一首

懿安皇太后哀冊文一首

恭皇后哀冊文

韋良嗣

維開元二十八年歲次庚辰月朔日寧皇后元氏薨于
西京之第旋窆于某塋天未忘釁相次徂落其明歲十
一月二十四日王薨在殯制冊為讓皇帝且有後命追
謚妃為恭皇后蓋以王有讓統之寔而妃有恭德之美
所以考行追崇皆聖皇天倫篤愛有光於古先者也粵

天寶元年五月乙巳朔十七日庚申將遷祔于惠陵王
薨及葬凡為七月天子之禮也命侍臣叙以書冊其詞

曰

皇矣有熊處于玄宮衣冠所在祇胤無窮以武而興復
于土中以文始大元氣比崇禮侷周恪慶漸柔風展我
邦媛倫昭有融至靜委和如天克令莫莫中谷天天作
詠黃纒尊容素紗增映鑒圖閱火陰儀壺政帝寵元昆
妃承累命降家人之禮擬陰安之盛

漢書文紀陰
安侯高帝姬

鵲巢

化行人倫以正貳

一作或

幾望於終古故守冲而益敬祥

開夢兆服媚蘭蓀女延湯邑男受推恩綠車齊軫綵戟

盈門各稟柔訓常貽話言天授戩穀無非播諦歸媚事

凶毀臺成沴圓月忽蝕朝雲亦霽滅綵韶陽收華邸第

嗚呼哀哉魯宮未考漢門處哀帝以讓而追謚后從夫

而永陪禴輦

一作輦

暫舉璋瓚誰開用小君之備物怨吾

王之不來嗚呼哀哉娥輪半上屈輅將移逗

一作追

雙旒

兮遲遲卷六衣兮披披青門一別兮不駐素漣既濟兮

相隨入長陵之松柏顧漢苑兮參差司馬門兮壘壘恭
后墳兮在斯嗚呼哀哉

承天皇后哀冊文

楊炎

維大歷三年歲次景午四月乙未朔五日庚子故齊王
謚曰承天皇帝妃張氏謚曰恭順皇后天寶末賊臣構
難王從二聖南幸成都自武功定策禁中扈先帝於靈
武以是年八月薨于行在今上錄功追遠詔謚鴻名以
大歷三年六月遷座于咸陽禮也雲翻宿懸天鷄空嚮

一作響

建翠鳳以雙引度蒼龍以

一作而

長往皇帝慟極天

倫齊於開館望桂輿之蕭颯撫蘭臺之腸

一作傷

斷爰詔

近臣遺音是纂其詞曰

皇國氛氳麗于天文本枝百代連

一作聯

華千載維王斯

會其祥則大祖武之烈宗文之配令德純粹溫恭慈愛

和必有節動而無悔持盈以冲明道若昧金玉是飾鼓

鍾于外伊昔慶衍維皇握圖天孫載弄甲觀晨趨善問

居講嚴師服儒瓊林秋實寶萼晴敷皇用錫土苴茅剖

符大邦之幹滄海之隅遙分朱邸近植青梧愛鍾嘉惠

寵被宸渥從侍寢門觀風太學禮聞齒讓聽辨聲樂歷

運中否災鯨構昏初避夷狄一作帝初避狄聖有昌言王叶羣

議天迴乘輅適于砥礪之野進于閭闔之門雲趨北河

電掃中原方從廟告言守藩垣忽川逝于東海怨夜長

于西園嗚呼哀哉志業見於屯蒙勲名留於天壤成宗

裡之有聖一作歸悲歡愛之易喪獨精聚而竟遊奉君親

以長往展我邦媛德容可仰魯館而家齊風是長翟拜

三月軒歸百兩豈鳳吹之有行

一作有歸

而虹銷之無像鳴

呼哀哉帝念伊始晬容生憂傷桂絆之幽靈望山河之

林邱解劔龍

一作龍劔

而追慟燭鴻徽以冥搜駕之輅旗服

以冕裘儼千官於天衛

一作衛

將合祔而從周嗚呼哀哉

笳鼓宵陳河山曉發地垓乾

一作北

兮聲遠天空同兮影

沒入幽隧之穹林伏盤原之宮闕嗚呼哀哉考至公與

至性見為子兮為臣臨難不忘其社稷感時思致於君

親短而非病逝豈同塵惟德名與盛典可觀法以求仁

嗚呼哀哉

貞懿皇后哀冊文

常 袞

維大歷十年歲次

集本文
粹作在

辛卯十月辛酉朔七日丁卯

舊唐書文粹
作六日景寅

貴妃獨孤氏薨粵明日追謚曰貞懿皇后

殯于內殿之西階十三年十月癸酉

唐書文粹如此是
英華及大詔令作

六月十七
日癸酉非

乃命攝太尉銀青光祿大夫守門下侍郎同

中書門下平章事河內郡開國公常袞持節冊命以其

月

英華唐書文粹如此是惟大
詔令作其年十月癸酉朔

二十五日丁酉遷座于

藏陵禮也素紗列位黼帝周庭輅升玉綴軒缺珠櫺

唐書

集粹

皇帝悼鸞掖以追懷感麟趾

唐書作迹

而增慟備百禮

以殷遣命六宮而哀送宗祝薦告司儀降收爰詔侍臣

紀垂鴻休其詞曰

祚祉悠久寵靈誕受元魏藩戚周隋帝后五侯迭興七
貴居右肇啓皇運光膺文母續女是因以綱大倫生知
陰教育我蒸人瑞雲呈彩瑤星降神聰明睿知婉麗貞
仁惟昔天鑒娉唐書文粹作搜求才淑龍德在田葛覃于谷周

姜胥宇漢后推轂王業惟艱嬪風已穆繼文傳聖嗣徽
克令不曜其光乃終有慶祇奉園寢肅恭靈命越在哀
甄聿追孝敬文織絲組朱綠玄黃上供祭服以祀明堂
法度有節不待珩璜篇訓之製自盈黼緡叙我邦族風
于天下始於憂勤叶成皇化慈厚諸女寵臨下嫁登進

賢才勞謙日夜服繒示儉脫珥

唐書文
粹作替

申誠訪問後言

讌遊夙退內和羣娣動有矜誨外睦諸親泣辭封拜闕

翟有期

唐書文
粹作日

親蠶

集作
躬親

俟時忽歸清漢言復方祇萬

乘悼懷羣生

文粹作臣

慕思玉衣追慶金劔

唐書文粹作劔匙作紐

同

儀嗚呼哀哉去昭陽兮宵然乘雲駕兮何在人代宛兮

如舊炎涼倏兮已改翠葆森以成列素旗儼而相待言

從玉兆之貞永闕瑤華集作池之綵別長秋之西苑過望

春而諸本南登招帝子於唐書文粹北渚從母后於東陵

后之女葉國公主墓城東地卑濕至是從附東陵云下玉唐書文粹清兮動金翠外

無像兮中有憑合蕭挽而唐書攢咽從諸本雲雨之今

作淒凝吾君感於幽期俯魯亭而望思慘嬪媛載穆象

服攸宜鸞輅爰正暈衣在斯藹藹邦媛雍雍母儀先天
毓德早歲聞師日月有期山陵甫制六綽齊引八神警
衛龍帷儼其載陳驥服騁以偕逝率土雷動殊方雪涕
去城闕之遲遲望郊原之翳翳背黃山而北指渡清渭
以東轅野色慘以凝幕青詔令作春雲重而垂軒儼駢駢以
就駕慘徒御而不喧捨層城之禁掖向新廟之陵園嗚
呼哀哉遵周道之合祔美時風之同穴列容衛於山阿
若平生之像設擬靈疑金之淒楚泛薤露之清切痛脩

夜之不陽歎行芳之永絕嗚呼哀哉緬惟在昔嬪德斯
滅夫婦以正邦家之光明明淑德誕聖配皇肅威靈之
如在欽懿範之不忘嗚呼哀哉

章敬皇后哀冊文

裴士淹

維寶應二年歲次癸卯閏正月乙巳朔五日己酉大行
章敬皇后啓自先殯十六日庚申膺冊禮于行宮粵三
月二十七日庚午將遷祔于建陵禮也素帟遐敞曩擗
曉薦風藹椒塗月虛蘭殿哀子嗣皇帝諱悲深玄夜慟

切聖慈爰講

一作脩

六服之禮允迪二南之詩示寰區以

壺則恭典冊以台司鸞旆曳音蜃輅遷轍辭臣奉詔敢

揚徽烈其詞曰

圓方配德耀魄齊明王化之本國風以清於穆宗盟

一作

周胎謀先覺太伯崇讓延陵聽樂蘊乎純嘏施及繁

昌斗維儲慶軒緯流祥入懷夢月滿室騰光蘋藻無替

紘縱有章待年祕景率禮含芳象服是宜造舟成詠顧

史垂則稱詩以延佇極容衛之

文粹作以

畫時搖巾袂兮遠

訣隔軒檻兮羣悲不復見兮迴御輦傷如何兮軫睿慈

下蘭皋兮背芷陽旌悠悠兮野蒼蒼帶白花兮掩淚衣

玄帔兮斷腸當盛明之

唐書文粹作兮

共樂忽幽處兮獨傷去

故庭而

諸作兮

日遠即新宮兮夜長襪無文繡之飾噐無

珠貝之藏蓋自我之立制形

諸本刑作刑

有國之大坊

詔今作防二字

禮記通用唐書文粹作方

嗚呼哀哉見送徃之空歸歎終焉之如此

方土神兮是與非甘泉盡兮疑復似遺音在於玉璵陳

迹留於金祀獻萬壽兮無期存二南之餘美嗚呼哀哉

元獻皇太后哀冊文

蕭昕

維寶應二年歲次癸卯閏正月乙巳朔十六日庚申元
獻皇太后啓殯于永昌之陵寢安神于細柳之亭宮粵
三月甲辰朔十三日乙卯將遷座于泰陵禮也謚冊昭
禮容車儼駕皇帝執通喪而在疚遵遠日以戒期悼憫
凶之荐及痛皇妣以御悲泣外郊而阻禮將撤奠於有
司命宗伯之貳職陳明德以為詞其詞曰

兩儀判質二曜分形乾剛坤順陽德陰靈嬪風以婉婦

道惟聽王教斯立邦家以寧渭水定祥塗山協德式敷

陰教用光內則糾組克脩蘋蘩是臧雜佩相警副筭盡

飾族承嵩

詔令
作蓮

岳德備椒房福履蘭殿祥開畫堂黃花

襲慶彤管貽芳姜嫄佐學堯母興唐靈婺沉彩仙娥墜

魄厚夜無歸重泉永隔義存故劍禮備追冊先志克遵

爰開故宅坤儀展敬啓迪四聰誕敷六行蘭芳桂郁霜

皎冰淨鷺集瑤筐鸞迴金鏡化光葛藟務先種稷載靡

震驚宵淪朏朶柔明既進陰教惟肅必戒浮華遠登才

淑寧觀戲馬嘗往濯龍堯門協慶莘野聯蹤禋禮凝彩
璵玞有容志循簡易體備肅雍維德之行令問不已繡
輪羽蓋玉階金祀式昭範於人倫竟韜華於地紀六宮
揮涕于清禁萬寓銜寃於神理嗚呼哀哉宗祧永固澹
哲膺期仁涵動植慶浹華夷捧鏡奩而增歎臨甲觀而
纏悲望松楸兮逾遠感霜露兮何追湘川有君漢陵宜
祔露衛攸心禮章加數瑞雲呈紫而轉妍夔服變黃而
無靈想層城於北闕背壽原於東路應門寂寂以長閉

同軌駢駢而畢赴嗚呼哀哉悶泉闡兮有洧引池緋兮
方昭吟古木於靈囿遡悲風於渭橋繁筵筮而淒切輕
旆轉而蕭條衣潛覆兮猶在香遠聞兮而不消嗚呼哀
哉鳴鷄奏而夙興服馬嚴而曉發慘河山之淑氣怨桃
李之嘉月雖立極與觀圖繫池光而裡設倚彤管兮有
煒替徽音兮無歇嗚呼哀哉

昭德皇后哀冊文

韓 滉

維貞元二年歲次景寅十一月丁亥朔十二日戊戌大

行皇后崩于兩儀殿旋殯于西階越暮

一作三

年歲次丁

卯二月景辰朔二十九日甲申大行昭德皇后將遷座于陵臺禮也長秋宵闕靈輜夙備哀笳候曉咽挽增欵容衛儼默祖庭愔邃動長情以自失矧孝思之天至哀子皇太子痛鳳翥之將引哀陵雲之永訣號遣奠以登餒臨凱風以泣血臣澁奉詔式揚懿烈其詞曰

坤厚載物乾道由儀成象大矣貞徽纂之芳聞在郡

詩在

浴之陽 倪表天施風弘王雅慶發明離靜恭之德斯贊庶

方之教聿熙誠軒星之降彩何玉華之遽一作荐萎嗚呼

哀哉桂館纏哀椒塗燎寢葦衣卷玉龍杠綢錦內朝遽

閱公宮曷稟彤管空貽黃舂罷絳宸衷深悼於故劔儲

貳一作兩痛絕於勺飲惟華宗之遠派寔統業一作系於周

王猗烈祖之上僊固命氏之靈長沙麓之徽爰契筮華

僊一作之慶載洋穆嘉猷於洲渚躋盛德一作於任姜居

內輔以同休飾芳音一作陰化以融光賦樛木以逮下鄙脫

簪以自彰夙著當熊之績早膺靈鳳之祥布一德以蕃

行貞萬國以元良章順簡以柔克奚辰蝕而靡常掩圓
魄以就晦絕坤維而不張嗚呼哀哉臣妾何恃宮壺安
仰湊永巷以晨謁瞻蘭殿以凝想庭寥寥以增曖總禔
禔以不敞激號唱以俱發達蒼冥以振響嗚呼哀哉通
靈甫構天京啓阡壽原春慘新宮畫玄珠襦已繖玉座
將遷哀嬪負壘泣御收筵鷺輅徐轉鸞旗遵前慟皇情
以餘渥下北極以辭天想衣練以崇儉絕傾筐而詠賢
嗚呼哀哉瑤齊永閔鞶鑑長委靈仙眇邈母儀在紀媯

洎同風塗山繼美配祗薦號騰英流祉惟皇儲之孺慕
方銜血以頓毀掩禮經之前蹤達天下之孝理遵一作尊
睿懷之慘怛昭天行之終始垂千古而自揚一作傷 豈臣
詞之足擬嗚呼哀哉

懿安皇太后哀冊文


封教

維大中二年歲次戊辰夏五月己未朔二十一日己卯
懿安皇太后崩于興慶宮冷井殿旋殯于大內兩儀殿
之西階粵十一月丁未朔二十六日壬午遷座于景陵

美汾陽之孫昇平之子有命既集來嬪帝宮奉維城之
中饋光戚里之華容赫赫憲皇龍潛未躍貽孫鍾紫極
之慶知子奉青宮之樂惟后之明執禮而行恭敬必嚴
於父道盥漱將俟乎鷄鳴及二聖歸真三光正色日朗
黃道月盈霄極中興是替陰教維則時詠肅雍功推輔
翼服澣濯以警其華煥讓封拜以誠乎謙抑蘋藻潔蠲
於宗廟葛藟吟諷於宮掖高禩有慶大電膺祥誕元良
而立極纘丕構而圖昌於是養素便殿齋心洞房宸嚴

捧負孝道輝光噫馳颺兮未幾迅朝露兮何常人代之
推遷莫極仙家之日月猶長婦事三朝母臨五葉禮益
上載恩方下接無何秘籙求真闕門悟劫追弓劍之悠
遠感霜露之履涉謂十地兮何躋謂丹梯兮可攝金屋
不知其長往彤管空遺乎舊法嗚呼哀哉姜嫄讓德任
氏推名仰符軒耀俯順坤靈容範不邀乎箴史婉娩自
協乎柔明終厭浮代期歸福庭謝明時於清禁即脩夜
之玄扃嗚呼哀哉蘭殿靈唐詔令作虛嚴椒房幽寂日下珠

簾塵生粉壁禁樹暮兮煙慘宮瓦寒兮霜白瞻象設兮
如在捧禱禴兮成昔嗚呼哀哉車書畢會容衛周陳黃
山拍路清渭臨津姑射之雲霓自遠鮒隅之簫鼓空聞
想冥冥於寥廓徒望望於逡巡嗚呼哀哉天上無歸人
間一別盼三清之縹緲畱四德之昭晰詩著陰陽之詠
書徵卜筮之說啓叶吉於新阡爽同歸於故穴雖壽宮
相望參差陵附之煙而仙路有詔令期繾綣瑤池之月
嗚呼哀哉作何



欽定四庫全書



文苑英華
卷八百三十八

十五

文苑英華卷八百三十八

欽定四庫全書

集部

文苑英華卷八百

三十九至
四十一

詳校官監察御史臣沈孫璉

助教臣常循覆勘

總校官進士臣朱 鈐

校對官助教臣羅萬選

謄錄監生臣倪景寬

欽定四庫全書

文苑英華卷八百三十九

宋 李昉等 編

太子哀冊文

隋元德太子哀冊文一首

唐懿德太子哀冊文一首

節愍太子哀冊文一首

惠莊太子哀冊文一首

惠文太子哀冊文一首

惠宣太子哀冊文一首

恭懿太子哀冊文一首

昭靖太子哀冊文一首

隋元德太子哀冊文

虞世南

隋書元德太子

傳作虞

世基

維大業二年七月癸丑朔二十三日乙亥皇太子薨于
行宮粵三年二月庚辰朔六日乙酉將遷座于莊陵禮
也屬綽宵戴鶴闕曉闕肅文物以具陳儼賓從其如昔

皇帝悼離方之云晦嗟震宮之虧象顧守噐以長懷思

視膳

一作臨登餽

而興想先遠戒日占謀允從庭爨撤祖階

祀收重抗銘旌以啓露動軒

一作徐

輶於振容揆行授

一作

度

名累德彰謚爰詔史冊式遵典志俾濬哲之徽猷播

長久乎天地其詞曰

宸基峻極帝緒會昌體元襲聖儀國

一作耀

重光氣秀春

陸神華少陽居周軼誦處漢韜莊有縱生知誕膺惟睿

性道觴日幾深綺歲降迹大成俯情多藝樹親建國命

懿作藩威挺先路烏奔渠門庸服有紀分器惟尊風高

楚服

一作殿

雅盛梁園睿后膺儲天人叶順本茂條遠基

崇禮

一作體

峻改王參墟奄有唐晉在貴能謙居冲益慎

封畿千里閭闔九重神州王化禁旅軍容瞻言偃草高

視折衝惟宸清秘親賢允屬從

一作泛

景鳳瀾飛華螭玉

揮翰泉涌敷言藻縟式是便蕃

一作煩

思謀啓沃恭

一作共

惟積德豐衍繁祉粵自天孫光升元子綠車建事翠纓

奉記

一作祀

肅穆滿容儀形讓齒禮樂交暢愛敬兼資優

游道

一作養

德恭已承凝

一作儀非

南山聘隱東序尊師有粹

神儀深穆其度顯顯觀德温温審喻烟戒齋箴流連玉

一作王

賦入監出撫日就月將冲情玉裕令問金相宜綏

景福永祚元良神理冥冥天道難究仁不必壽善或愆

祐遽瑶山之頽壤忽桂宮之毀構痛結幽明悲纏宇宙

慟皇情之深憫推具察其如疚嗚呼哀哉迴環氣朔在

苒居諸雪零露於瑤圃下申

或作嚴

霜於玉除夜漏盡兮

空階曙曉月懸兮帷殿虛嗚呼哀哉將寧甫窳長違望

苑渡渭浹於造舟遵長平之脩坂貌鶴駕而不追顧龍

驂

一作樓

而日遠嗚呼哀哉永隔存沒長分古今去榮華

於人世即潛塚之幽深羅

一作霏

夕煙而稍起慘落景而

將沉聽哀挽之悽楚雜灌木之悲吟紛徒御而流袂覩

一作歛

一作

纓弁以霑襟嗚呼哀哉九地黃泉千秋白日雖金

石之能以終天壤乎長畢敢圖芳於篆素永飛聲而騰

寔嗚呼哀哉

唐懿德太子哀冊文

李嶠

維神龍二年歲次景午夏四月甲戌朔二十三日景中
懿德太子梓宮啓自洛邑將陪窆于乾陵禮也獻衣夕
陳祖奠朝設蜃輅俄軫龍旗按節皇帝嗟蟻庭之寢籥
惜鳳渚之輶簧撫萬乘而懷國本綏六姻而悼乾將情
無輟哀禮有加數刻純懿乎金版播聲芳於玉裕其詞
曰

靈命將興元符是膺皇基茂立帝武丕承祥集畫堂慶
流朱邱棘矢延祝桐圭備禮寔惟天族載挺人英川寶

岳秀虹輝電精舞象得玄珮觴聞道刻舟敏遽牽衣慧

早幾神闇體理識冥資心韜鍾律情含蔡著曰仁曰孝

非訓非師寬惠深博温良肅祇芑舉六爻一作文網羅羣

籍詩接楚彥賦延梁客淮國傳騷雲夢一作臺對易樂善

起輩多才掩昔乃崇匡衛實屏實藩乃列朝請為鴻為

鵠揚聲北路振彩西園儀表姬戚光輝舜門恭事閭闈

歡迎黨族怡色玉潤温詞蘭馥中外克諧親疎允睦恒

德有裕間言無讞榮深出幸寵茂留中婉孌羣辟綢繆

二宮陪輿澤厚賜

一作錫

馬恩隆西蜀欽義南山向風禮

縟天孫望高元嗣重海關象前星虛位方輟頌彛行膺
圭器奄喪門軸俄催隙駟嗚呼哀哉鳳下朝陽龍收暝
光瓊田滅彩桂苑淪芳國軫傾翰朝悲壞梁惟靈徵之
寂寂怨天道之茫茫嗚呼哀哉玄聖登期恩榮下賁爰
命典冊式昭名謚謚鬯雖崇染盛不蒞闔壤同戚具寮
增歔嗚呼哀哉築思基兮竟不旋還作室兮復何年訪
來人兮傷對日瞻去鶴兮感昇天惜明離之虛繇悵鳳

樂之徒懸對銀榜之留月泣銅樓之送煙嗚呼哀哉司
兆獻占掌圖辨域椀鐸初警惟恍既飭引文衛之逶迤
度繁茄之悽惻纏永慕於青府結餘酸於紫極嗚呼哀
哉辭交風之近甸出避雨之層巒望八水而遙集懷三
川而顧歎麥枯兮夏旱花落兮春殘林野晦而天無色
烟雲愁而景欲寒嗚呼哀哉椀駕昭途即宮下土執斧
供事揚麾按部歲日兮山門埋鎗兮地戶痛平生兮冥
寞哀倏忽兮今古視不見兮呼不聞天無曉兮夜無分

同變化兮光陰盡配陽秋兮菊蘭芬嗚呼哀哉

一作皆唐大詔令

節愍太子哀冊文

李 又

維景雲元年十月朔日節愍太子梓宮啓自鄆杜粵某
日將陪窆于定陵禮也蜃衛初列鳳仙將遠閱少海而
不流赴窮泉而莫返皇帝懷副君之大義降猶子之深
慈飾忠烈於逝者備哀榮以送之漢幄虛侍周墻肅事
思臺空築幽埏永闕金相兮玉裕揆行兮旌能峻節兮

無泯芳聲兮有恒其詞曰

素雲流祉白水貞祥祀及百代威加萬方勃焉家國赫

矣皇王帝子攸降乾男以將邁德誕靈懷文抱質漢臺

占雨秦宮

唐大詔
今作京

近日敏對不羣能言罕足藝該百遍

詔令
作變

詞含六律朝霞自舉夜月嘗遊醴薦推穆書成重

鄒典戎仙衛作牧神州是謂元子光膺孟侯少陽正位

太學知道春誦夏絃尊師敬老榮承玉玉寵殷瑜珮三

善不忘四章旋逮過闕則下入廟斯趨曰仁與孝終始

不渝聖敬日躋溫文歲廣望高周副才優魏兩用事有
倫出言無黨政成中外聲溢天壤邪臣作蠱匹夫知惋
不顧身尤詔令作遊將夷國難忠義斯仗謀猷是斷獲戾宮

朝歸魂霄漢白駒過隙蒼蠅止藩水逝西沼霜彫北園
鶴闕誰馭鳩里徒冤瞑目於此傷心誰論嗚呼哀哉去
日淪暉前星墜彩形神溘謝德音如在物是人非年移
運改聖明延鑒徽章有待有待伊何慶逢開闢延鑒伊
何恩隆典冊即鳴鳳之岡嶺啓占鳥之隊宅人辭中壘

之春鳥思平陵之栢地如伊水山連紀市嗟委化於仙
期欲問安於神理五營成列萬國咸酸椀鐸朝唱旌麾
曉寒指牽牛以南渡乘飲龍而北徠顧青舍兮非春掩
玄扉兮大暮昔之來矣銀榜銅樓今之往矣曠野荒邱
冉冉兮辰促蒼蒼兮道悠惟聲華與純懿比金石而恒
留嗚呼哀哉

惠莊太子哀冊文

張九齡

維開元十二年歲次甲子十一月丁巳朔二十四日庚

辰司徒申王薨于行在所冊諡惠莊太子旋殯于寢粵

閩十二月二十七日壬午將陪葬于橋陵之栢城禮也

黼幕宵布羽纛宿設西序啓攢南首成列皇帝深天倫

之感崇后儲之禮擬容衛於青宮申孔懷於朱邸爰命

史氏稽於

唐大詔令
作於稽

令則無俾直書不彰遺德其詞曰

昊天有命先后受之分王子弟藩衛京師克荷成憲罔

不

集作
弗

肅祗懿哉明哲誕惟神粹宣慈日聞孝友天至

道則昭合跡無自異性實生知學兼時習易微書遠詩

言禮立德必有隣善如不及貴而能慎量固難挹方伯
出鎮邠南取斯司徒入掌鄭武其宜義之所在政乃克
施物留遺愛事著成規西夏息人東征叶卜鞞鞞同軒

二本
作輦

皇皇改服疾道中路玄傳左轂寧不熱遺奄鍾斯

酷嗚呼哀哉昔在冲妙具惟兄弟四國並封五王均體
遊必連騎居則同邸各承愛於舍飴俱受經於置醴既
荏苒而云邁屬殷憂之將啓實定禍於蕭牆遂繼明於
雲陛雖隔深宮之衛常洽家人之禮曷殂謝以痛心感

平生而流涕嗚呼哀哉爰擇茂典將集作崇上嗣表先

聖之元良申友于之褒異紛鹵簿以徒設儼文物而空

備彼神儀之如在乃羣悲之所萃周禮從祔漢瑩是陪

先遠日而撰集作吉會同盟以送哀夜漏盡兮暗室啓

庭燎殘兮晚挽催按三校而徐進將一去而不迴嗚呼

哀哉背朱門兮遲遲馳詔令白驥兮駸駸野蒼茫而助

慘風蕭颯而增悲翩翩兮素蓋寂寂兮畫帷遵舊途而

何有覽陳迹以如疑面都邑兮不入侍陵寢兮有期惟

光儀之永閔與昭代而長辭嗚呼哀哉潛清暉於幽窆
昭鴻名於美跡將在皇儲之史豈伊諸侯之策播遺芬
集作芬於蘭桂傳不朽於金石諒紀言之在茲嘉德音之
無斃嗚呼哀哉

惠文太子哀冊文

蘇頌

維開元十四年歲次

唐大詔令作太歲

庚寅四月己酉朔十九

日丁卯太子太傅岐王薨于洛冊謚惠文太子殯于正
寢之西階仲夏景申將祔于橋陵禮也曉風北清魄月

西照列鐸挽以嚴鼓出軒除而滅燎皇帝戚深天倫或作

三倫寵異天人追遣奠於將遠慟哀懷其若新人以貞位

文以光謚爰詔司存迺甄遺懿其詞曰

重玄之門唐系居尊五色之土岐封效古瑤圖正位兄
一弟二寶萼承庇帝三王四常急難兮特詢以事竟扶
翼兮能竭其志其志伊何程才則多武之以靖文之以
和勇超東牟思奪東阿是曰且爾曷云其他單訐守成
忠肅鍾美克順克比為臣為子河書聚學沛易窮理毫

使露濡賦令雲起出洛岳政入慎邦紀魯衛則侔武桓
斯擬傳于元嗣欽若端士往錫朱旂來朝紫微家人輯
穆藩后增暉其旨不同而不膳珍華不共而不衣楚謀
或隱梁籍寧違屬巡岱以封還侍升天而慶歸猗那兮
揚名於后懿詔令
作於錦兮脩業可久富貴兮于何不有閭
忽兮曾莫之壽嗚呼哀哉宵欲分漏革傳于奏天初辨
時憲詔令
作慮切乎思駿馬連躡而交使近臣駢命而挾醫
望君土兮何遲遲俯櫺檻兮猶若期至不至兮歛長辭

悲莫悲兮惟此悲外皆罷愜兮內獨漣沔豈吾季之在

哉崇后儲以謚之孝依橋岳仁本京

闕

疇能

忍茲靈輜稍發清道徐按整承華之鹵

闕

陽之宮

觀樹陰陰於國門橋耿耿於天漢盈舊戀

闕

迴復蓄新

哀以聚散甄然嗣王若不勝喪慘天地之何心怨關山
之已長夫儉為之德謙固其則存沒是膺惠文是徵存
也高臺深池之不競歿也備物重器之不矜嗚呼哀哉
典冊之有憑惠文之有稱故奉先皇之松柏成太子之

園陵嗚呼哀哉

惠宣太子哀冊文

韓休

維開元二十二年歲次甲戌七月庚申朔十日己巳司
徒薛王薨于洛冊謚惠宣太子翌日殯于正殿之西階
粵八月二日庚寅將陪葬于橋陵禮也涼陰戒秋白露
凝夜倏哀挽於郊道儼虛容於池榭皇帝痛棣華之既
凋矚蘭坂而增歎撫徹奠以無及恨潛泉之永閔光乎
典冊昇彼儲嗣爰命史臣颺言其懿其詞曰

於昭帝系濬發玄喬運堯升唐自薛而王粵有成德遂
荒東國大啓土宇聿崇典則夫其秉靈在初迪哲惟睿
博敏秀鑠淳龐淑慎謀謨以成蹈道而順或作進文英獨

越武烈惟振百辟式瞻五宗

或作崇詔
今作常

以訓惟茲大賢

克懋天叙為藩為屏是輔是弼保釐我邦家左右我王
室沛獻演易楚元說詩藝無不綜學罔有遺分以寶玉
建其旌旗出弘聲政入贊雍熙咨爾公族是惟敦睦王
曰命弟寵其車服俾侯于京怡怡弟兄穆以家人之禮

崇其藩后之榮曷常不樂彼同輿却東平之歸奏詢其

異政欽少

詔令作比

海之能名將以天倫之愛可以昭于

詔令

作載籍友于之道可以貫於神明宜其善有其慶禍無

其胎享比眉壽祐其多才胡勿藥以為疾運彌旬而成

災躬為禱兮無不至誠以請兮無不備走羣祀以累祈

徵上醫而畢洎蒼黃而晦明未隔閤忽而古今斯異嗚

呼哀哉神理無昧人寰已非想河樂其猶在望淮仙而

不歸悲由中而自切情限禮而相違帳丙舍而

詔令作之云

遠飾承華以增暉嗚呼哀哉靈龜肇吉服馬先路悼津
門之永違遵河橋以直度茹哀洛陽之道旒靡咸京之
樹換憂歡於今昔變風景於新故嗚呼哀哉夫行以謚
尊息由禮盛申備物以增飾緬貞徽而獨映俾重為善
之名以彰有後之慶嗚呼哀哉庭榭憾以驚秋川波咽
而不流厯神臯兮望國寢背華宇兮歸山邱厯詔令作流塵
滿兮虛榭暗綠苔生兮行徑幽惟盛德與鴻烈亦天長
而地久悠嗚呼哀哉

恭懿太子哀冊文

李揆

維上元元年太歲庚子六月己未朔二十六日甲申皇

帝

舊唐書本傳并
詔令並無帝字

第十二子待節鳳翔等四鎮

唐書
作州

節

度觀察大使興王侶薨于中京之中

二作

邱殯于

詔令
作於

寢之西階粵八月丁亥冊贈皇太子廟號恭懿冬十有

一月庚寅詔葬于長安之高陽原禮也鷲隊開封龍輜

二本
作輜

進轍陳祖藏而就位儼塗芻而

唐書
作以

成列皇帝哀

玉林之闕景憫璿萼而懼

唐書作
之惟

霜瞻蜃

唐書
作龍

縉而增

思懷鳳池而永傷考謚惟古褒崇有式爰詔史臣恭宣
懿德其詞曰

惟天作唐累葉重光中興景運

唐書作
宸景

再紹乾綱本枝

建國盤石䟽疆克開聖

唐書
作寵

胤寔曰賢王驪源孕彩日

幹騰芳深仁廣孝蘊藝含章秀發孩笑

二本書
作童年

惠彰髻

唐書
作亂

齒蹈禮知方尊賢

唐書作
承尊

叶旨對日流辯占封

二本

作風繼美魯衛後塵問平絕軌胡孽初搆王師未班爰從

襁褓載歷險艱愛借

二本
作備

中掖名崇懿藩居常稟訓動

不違顏禮及佩觿朝加分器祚土延壤

二本作渥

登壇受師

玉

詔令作璇

軾金箱

四字唐書作玉質金聲

文經武緯樂善為寶崇儒

是貴濬哲外朗温文內深閱書成誦觀樂表音五經在

口六律諧心才優藝洽

詔令作給

絕古超今虵豕猶梗寰區

未泰

二本作入

滌慮祈真焚香演偈食去葷血心從

唐書作依

定

慧庶福邦家俾清克穢霜

唐書作露

露嬰疾聰明害神沉疴

始邁彌曠盈旬正

唐書作止

慮無擾發言有倫在膏方函問

膳逾勤雲物告徵星辰變象楚藥無救秦醫莫仗靈儀

沓而上賓徽音邈其長往違舊邱於青杜即幽陵於黃

壤嗚呼哀哉魂氣奪兮去何之精靈在兮孝有思痛

唐書

作念君親之永隔託夢寐而來辭延桂宮而震

二本

作宸悼貫

椒壺而纏悲旌遺芳於碣館賁新命於儲闈嗚呼哀哉

先遠戒候占龜獻吉指鷄野而西臨背鳳城而右出天

慘慘而苦霧山蒼蒼而翳日揚薤挽之哀悽盼松挺之

蕭瑟罷

詔令作羅

烏伏以禮峻撩黃腸而思密望馳道而長

辭赴幽途而永畢嗚呼哀哉生為寵王兮宸愛所鍾歿

追上嗣兮朝典斯崇昇玉笙於洞府闕

唐書作闕非

銀縈於

泉宮金石誰固兮人生有終簡冊猶

二本一作

記兮德音無

窮敢直詞以

唐書作於

篆美庶永代而承風鳴呼哀哉

昭靖太子哀冊文

蕭昕

維大歷八年歲次癸丑五月乙亥朔十七日辛卯開府儀同三司元帥鄭王薨旋殯于內侍省二十七日甲午冊諡曰昭靖太子洎十年歲在乙卯十二月庚申朔二十六日乙酉遷定于萬年縣細柳之北原乃詔京兆尹

黎幹監護喪事展飾終之儀禮也嗚呼哀哉窮陰肅冽
殺景凝沍屬輅方巾龍驂在御設庭燎以終夕啓攢塗
而即路皇帝悼賢王之不淑念愛子之云亡齊彭殤以
理遺顧形影而神傷錄舊功一作於藩邸議新謚於太
常睠承家於七鬯追嗣位於元良爰命侍臣式纂遺芳
其詞曰

維昔啟土膺茲冊命賜爵為王建封于鄭梁國寵異魯
邦禮盛明哲在躬溫良成性國步艱難邁茲師旅克生

才藝允是文武乃拜元戎俾殲醜虜職思靖亂功期禦侮守師律以殿邦振威聲而先舉問安內豎視膳寢門隨肩明兩順色晨昏光輝棣萼友愛鷄原率禮不違人無間言招賢南楚愛客西園宗子維城王室以藩樂善未終沉疴斯起羣望並走衆醫咸理有加無瘳蘭銷玉毀馳光度隙逝川閱水軫皇慈之羣化嗟國人之罷市嗚呼哀哉疇庸未紀度德則優崇以徽號闡其謀猷善則可旌禮無不酬吉凶同城神理難求列前星之儲位

昭甲觀之虛

靈一作

慶選

一作撰

日月以有時備塗芻以將

命卜窳從吉辨方正董原霜苦松阡雪映起寢廟之崇

嚴制園陵之尊敬

一作盛

嗚呼哀哉輜車發輒緹綺前旌

祖載奠徹簫笳哀鳴挽出離宮路迴直城羽儀以列徒

馭不驚越素滌以東指背黃山而北征聯岡走以迴抱

遠樹靡而低傾對驪宮以立表依細柳以開瑩闕重扃

於窆壤悲執紼於桓楹川沓沓以暝色野梢梢

一作稍稍

以

寒聲仰清芬之不泯實昭晰於鴻名嗚呼哀哉

文苑英華卷八百三十九